



20
21
22
23
24
25
26
27
28
29
30
31
32
33
34
35
36
37
38
39
40
41
42

吉 130
85411
部 - 21





金石萃編卷五十八

唐十八



賜進士出身

誥授光祿大夫刑部右侍郎加七級王昶撰

唐十八

李義豐造像記

石不知高幾許廣一尺二寸五分厚八寸記四面刻
共三十八行行四五六字不等又三行豎刻其後一
行十四字正書

咸亨元年十二月廿二日佛弟子李義豐為 皇帝陛

下法界衆生合家大小先祖墳靈亡父亡叔見存母敬

造弥勒像一區

佛弟子李義豐妻樂男伏諛黑闥女提兒

弟君瓚妻王男伏奴女永妃

弟處節妻趙女山妃

弟承業妻樂男典馬女娘子 妹難兒

佛弟子謝有相為亡父母供養

處節妻趙蒲提為見存父母供養佛時

承業妻樂含真為見存父母供養佛時

李瓚妻王景兒為見存父母供養佛時

佛弟子趙儼

咸亨元年歲次庚午十二月

佛弟子李義豐弟君瓚弟處節承業

張阿難碑

碑連額高六尺八寸廣三尺二十九行行五十二字
正書額題大唐故將軍張公之碑九字篆書在醴泉

縣北二十里馬旂寨

大唐故將軍張公之碑

瑤臺寺 口口書

口口口口口口口口口口口口口口口口口口口口口口

口口口口口口口口口口口口口口口口口口口口口之滋口

庭口口口口口口口口口口口口口口口口口口口口口口

口口口口口口口口口口口口口口口口口口口口口口馳雅

譽於將來 口望兼華獨見於口口口口口口口口口口口口

文帝天行地上□□□□□□□□□□□□□□□□□□□□
 肅清汾□□□□□□□□□□□□□□□□□□□□□□□□
 謁者監尋轉□給事馳芳□□□□□□□□□□□□□□□□□□
 形掖俄遷內□□□□□□□□□□□□□□□□□□□□□□□□
 肆□驅九□以□災□勞□□之師□□□□□□□□□□□□□□
 迴振滄江之外公□□□□□□□□□□□□□□□□□□□□□□
 縣開國侯食邑□□□□□□□□□□□□□□□□□□□□□□□□□□
 百戶□□□□□□□□□□□□□□□□□□□□□□□□□□□□□□
 詔曰膽力英果志懷沈毅翼陪□□□□□□□□□□□□□□□□□□
 茅□用□□□□□□□□□□□□□□□□□□□□□□□□□□□□□□□□
 詔曰內侍汶江縣開

國侯張阿難委□□□□□□□□□□□□□□□□□□□□□□□□□□
 事禁闕□□□□□□□□□□□□□□□□□□□□□□□□□□□□□□□□

如□周虜

藉□□□□□□□□□□□□□□□□□□□□□□□□□□□□□□□□

監門將軍兼檢校□□□□□□□□□□□□□□□□□□□□□□□□□□

路□隆允資□恭慎銀青光祿大人行

內侍汶江縣開國侯張阿難器量沉敏識□□□□□□□□□□□□□□□□

可稱宜□

之榮兼司內□之任公□德□□□□□□□□□□□□□□□□□□□□

以□□□□□□□□□□□□□□□□□□□□□□□□□□□□□□□□

於一代接□翠松之□聲□騰於萬古

可謂□□□□□□□□□□
□□□□□□□□□□
□□□□□□□□□□
□□□□□□□□□□
□□□□□□□□□□
□□□□□□□□□□

高八使□□珪組蟬聯貂珥
□□□□□□□□□□
□□□□□□□□□□
□□□□□□□□□□
□□□□□□□□□□
□□□□□□□□□□

電一舉搏狀光□□□□□□
□□□□□□□□□□
□□□□□□□□□□
□□□□□□□□□□
□□□□□□□□□□
□□□□□□□□□□

千□日下馳譽雲中□□□□□□
□□□□□□□□□□
□□□□□□□□□□
□□□□□□□□□□
□□□□□□□□□□
□□□□□□□□□□

智融積水
□□□□□□□□□□
□□□□□□□□□□
□□□□□□□□□□
□□□□□□□□□□
□□□□□□□□□□

紫□□□□□□□克□□□□□□
□□□□□□□□□□
關□既亡潛龍遂
□□□□□□□□□□
□□□□□□□□□□

躍鳳翔豹變雲飛電爍旒□□□□□□
□□□□□□□□□□
□□□□□□□□□□
□□□□□□□□□□
□□□□□□□□□□

惟□□□□□作範□勲□陳□□勇冠
□□□□□□□□□□
□□□□□□□□□□
□□□□□□□□□□
□□□□□□□□□□

三軍□□汧隴掃定河□□□□□□
□□□□□□□□□□
□□□□□□□□□□
□□□□□□□□□□
□□□□□□□□□□

望□□路□□長秋□□大樹
□□□□□□□□□□
□□□□□□□□□□
□□□□□□□□□□
□□□□□□□□□□

任隆□□□□□□□□□□
□□□□□□□□□□
□□□□□□□□□□
□□□□□□□□□□
□□□□□□□□□□

扇豫□□□□□□□□□□
□□□□□□□□□□
□□□□□□□□□□
□□□□□□□□□□
□□□□□□□□□□

變惟芳蘭之靡絕寄□□
□□□□□□□□□□
□□□□□□□□□□
□□□□□□□□□□
□□□□□□□□□□

咸亨二年□月廿日
□□□□□□□□□□
□□□□□□□□□□
□□□□□□□□□□
□□□□□□□□□□

碑書大似李衛公碑殘泐特甚中有云內侍汝江縣
開國侯張阿難又有云銀青光祿大夫內侍汝江縣
開國侯張又有云勇冠三軍掃定河汾等語其人蓋
宦官而曰勇冠三軍得無溢美乎唐初開國宦寺為
公侯魚李之禍兆矣

石鑿
鐫華

今在醴泉縣北二十里馬旂寨昭陵南十里碑已漫
滅斷續不能成文僅存一百五十餘字咸亨二年九
月廿日瑤臺寺僧口口書按咸亨年號豈亦書者增
筆耶

雍州金
石記

右張阿難碑文殘闕阿難嘗為謁者監內給事未成

亨二年九月廿日瑤臺寺僧口口書而以咸亨

似是
普字

為咸亨則下筆之誤也書法迺逸似王知敬褚登善

潛研堂金
石文跋尾

按碑書咸亨為咸亨者古亨享字同也如漢劉熊碑
子孫亨之張公神碑元亨利貞竝是後人畫為兩字

者非

關中金
石記

按此碑雖在昭陵然文內未見有陪葬明文稽之
長安志及圖亦不載內侍張阿難墓則不得在陪
葬諸臣之列矣書者瑤臺寺僧瑤臺寺則昭陵圖
有之在昭陵之西澄心寺之南也

王知敬書金剛經

石上截已斷廣五尺五寸五十五行上下皆殘闕字數無考正書在登封少林寺

口口郎口府監丞城門郎膳部員外郎守冀王友直

宏文館王知敬奉勅書

經文不錄

上次壬申口月戊午朔口日庚申

是時元奘奉敕在於東都譯諸佛經佛法方盛天子

尚加敬信知敬書此經所由來矣第石質似惡刻亦

未精剝蝕太甚存者不及半

金石刻考略

咸亨三年口月立王知敬正書金石錄作咸亨四年

云無姓名蓋未諦視之耳竇泉述書賦注王知敬太

原人門傳孝義工正行書劉昫唐書王友貞傳云父

知敬則天時麟臺少監以工書知名

中州金石記

按書者王知敬兩唐書附王友貞傳但云武后時

官麟臺少監而不詳其在高宗時歷官此碑結銜

皆在高宗時也曰口府監丞泐一字乃少府也監

有丞六人從六品下曰城門郎從六品上曰膳部

員外郎亦從六品上龍朔二年改膳部為司膳此

仍稱膳部者咸亨二年官名復舊也曰守冀王友

者王府官有友一人從五品下曰直宏文館者宏

金石錄卷五十八
文館有學士五品以上有直學士六品以上又有文學直館皆它官領之碑不云學士直學士則是兼領直館也壬申歲爲咸亨三年是歲十月戊午朔庚申是初三日又按知敬於上元三年明徵君碑篆額時官朝散大夫守太子洗馬永淳二年書天后御製詩碑時官司門郎中太孫諮議自咸亨三年至永淳二年首尾歷十二年歷官雖不同而司門郎中不過從五品上則是由六品遷五品僅升一二階其浮沈于文學侍從之班而碌碌無可表見者如此然皆爲傳所略傳蓋舉其最後之官

耳

鄭惠王石塔記

碑高四尺九寸廣三尺五寸二十行行二十八字行書在潞安府長子縣

大唐故贈司徒荊州大都督克安二州都督鄭絳潞三州刺史上柱國鄭惠王石記

王諱 字 隴西狄道人也

曾祖太祖景皇帝

祖元皇帝

父高祖太武皇帝

王卽

太武皇帝之第拾叁子往任潞州日於此山

奉爲

先聖敬造石舍利塔壹所下并有

勅賜

舍利骨參漆粒造藏經三千卷觀夫大造遠契洪猷永

貞庶績咸熙彝倫式敘莫不分茅土建諸侯延帝子於

維藩降

天孫於伯牧者矣伏惟

大王通源

聖澤寵位

皇華松姿孤堅玉氣柔潤鎮靜方岳

聲政洽聞都督荆安惟德是順出守絳潞非賢勿居卽

何暮海沂之謠不足儔其匹也而乃洗心覺路虔誠妙

門慈林山中雕龕寶塔智乘寺所裝飾眞容藻繪具周

慶讚將畢洪滿親承

教旨躬奉

綸言以拙補

勤猥當檢校恐河海傾竭陵谷變移謹件

先皇子

孫勒諸貞石

嗣鄭王郢州刺史璿

第二王子呂國公琛

第三王

子樂平公珪

第四王子尚庸公襲

第五王子樂陵

公

第六王子武安公琨

第七王子南海公璿

第八王子安德公琳

第九王子新平公璿

第十王

子邵陵公珩

咸亨四年十月八日檢校功德僧洪滿建

石塔記始于釋洪滿者以王往任潞州爲造石舍利

塔一所而洪滿當時實職是役故記云以勤補拙蓋

自紀也新周書高宗本紀咸亨四年正月鄭王元懿

薨記在是年十月八日其文所謂王諱元懿字某者
今闕新唐書亦不載字某下云隴西狄道人與高祖
本紀書隴西成紀者小異宗室世系表漢仲翔討叛
羌于秦昌戰沒贈太尉葬隴西狄道因家焉生伯考
隴西河東二郡太守生尚成紀令因居成紀是唐之
上世居雖兩地而占籍狄道者在先故記仍溯其始
直云隴西狄道較之史尤爲不沒其實本傳元懿旣
歷任鄭潞絳三州刺史又贈司徒荊州大都督今記
文悉與傳符獨不載歷鄭一事便文屬句從節故耳
其下記鄭王諸子備列無遺然云謹件先皇子孫勣
諸貞石先皇蓋指鄭王而崇號如是不以爲過又塔
記所列嗣鄭王郢州刺史璿考元懿傳作鄂州宗室
世系表又作遂州且以名璿作璜則表與傳已相悖
而表旣云十子乃于王第二子呂國公琛闕名第六
王子武安公琨亦失不載此皆史傳疎脫竝宜以記
爲據又新平郡公遂遂不從玉亦史誤也歐宋去唐
未遠其所漏已至此然則此記有裨闕謬者又豈可
沒也與

授堂金
石跋

按此碑標題稱贈司徒荊州大都督克安二州都
督鄭絳潞三州刺史以舊唐書傳考之初授克州

刺史在貞觀七年次歷鄭潞二州刺史在貞觀十年最後授絳州刺史在總章中而不見有安州刺史之官則傳略也新書傳稱王有十子長子璿嗣王舊傳稱璿以上元初封爲嗣鄭王據碑則咸亨四年立石時已云嗣鄭王矣慈林山在今潞安府長子縣東南三十里山西通志載法興寺在慈林山後魏神瑞元年建舊名慈林唐咸寧四年鄭惠王元懿爲潞州刺史建石塔藏舍利二十一粒下有藏經千卷釋洪滿撰碑咸寧乃咸亨之誤然碑稱往任潞州日於此山爲先聖造塔任潞州在貞觀十年爲先聖當是爲高祖亦在是時則非咸亨四年也碑云藏經三千卷亦非千卷碑稱智乘寺志無其名凡此皆可補正史志之闕誤也碑書十三子作拾叁二十一粒作叁漆粒卽三七字餘數目不別用他字鄭惠王爲帝冑似可不必稱里貫而文云隴西狄道與蘭陵代國兩公主同意當時習爲成例而不覺其非潛研堂曾斥之然猶未見此碑也

大德寺造像建閣碑

石橫廣三尺九寸二分高三尺五寸分兩截上截文四十二行前五行各二十七字餘皆二十八字下列

齋主姓名三十四行行五
字七字八字不等正書

唐大德寺造像并建弥勒阁碑銘

□□□□□□□□□□□□□□□□□□□□
□山於紫□□□□□□□□□□□□□□□□
□□□□□□□□□□□□□□□□□□□□
□□□□□□□□□□□□□□□□□□□□
切齡越恒□□□□□□□□□□□□□□
風廣被俱昇□□□□□□□□□□□□□□
陸念淨於心田□□□□□□□□□□□□
五乘調於意樹崇遵正覺鑒
契不周□□□□□□□□□□□□□□□□
象動□無常明陰
洞陽空窮其數廣門杳□□□□□□□□
其□聖道幽鑿不悉其
旨舉□無上抑神無下彌于宇宙攝以毫□□□□□□

芥□難乃拂石屢盡墨象無□照玉燭而轉金輪被堯
雲而□□日□□□□□□□□□□□□□□
濟□參□□法宜陽獎延拾堊
云旨大德寺者荊河之□□也上欽岳逼漢下幽邃寶
蒙左則金臺寶闕右則堂阜崑崙前上洛□□同涓定
鼎洪流其後盟津達於晉閩徘徊盤轂五臺陸府定局
參山口州定過外□倍尾靈愈熊耳鯉鱗獻書進圖入
匪賊贛咸賚納稔纖美□訝□產西詩萊菲參薦既般
皇家嚴止萬代神基明堂鈿鉅雖非拔濟□預孤園
未□舍衛香城豈非闍峯雪岫者歟荆元魏帝規矩□
尼霸□隆邦禎祥表於慈父龜威瑤悵妙處雲而瑞膺

金剛經疏卷五十八
三
胡靈揮巖刊塔口爲大德寺也 皇儀數改帝業頻移
銜遇逋周旨逢價道虧尊廢像迷斷香路於西方滯遊
魂於淨土日以釋教陵遲神香頰及珮形殊影獨處堂
闕菩薩真人間夜撩落懟金顏於麓埜幽玉面於摧龕
聖德深明舉淹畱於金口大帝乘肯出震 恩徹九
圍遠眺昏賓親觀隱破撲炬燎於邪烽穢群迷於苦彙
頻奉 明詔重令修緝復崇前踰度尼五 等竝
早碎百兩夙契舉乘燔香翦綵發曇花之志無常無我
法印尊儀戒行不虧陸口無累復有法子清信口口劉
仁則廿六人等幼口貞敏宿誤參空口敬口情先苞肆

忍絲中白縷食內櫛食禪營寶塔特造僧房口待布金
俳佻口就鴻鍾廢而還擊聲徹九而清頃再稱聞於口
壑今建石碑像壹軀金容毫日出界無雙玉面菴蓉拾
方侏有聞名合掌口幼警除見影佢頭恒口舉滅復營
彌勒閣壹所金鈴寶鐸和而樂已鏗鏘妙口口花齊綺
雲而合彙闢大千足路渡彼岸津梁聖教轉而復全蒼
生舉而還福口舟待檝竟無越兼足功躡滿衢中安知
挹口伏口口而皇上鑿資福垂拱而莅捌荒德被黔黎
餒衽而口口國 恩口功骨石室歸仁澤及蛸蚌金口
流偈法相常住齊參光口口口口 皇福臻同口口定

固再申斯句刊勒茲銘輒以輕口聊與掬口口口智劍
 口口口鋒口口金鋌能摧怨聲闐臨大穀僊觀遊口礎
 贍攻口口口鶴舞文口口口口口慈門靈勝業於神州
 設蔓功於赤縣今迺鑄口口口鏤石尋口繼釋祖定遺
 風嗣金文定秘碣恐塵飛泝彙桑出波中讚口口口難
 窮歎慧風而靡絕翹心渴仰願奉神光普照無邊咸歸
 妙旨口口口口

口雄慈父靈儀頗識說法有功論義智力入斷五慾出
 降六賊口口口口破魔軍息其新構雲閣鯨棟鯢虹丹
 梁綠綺宿鳳棲龍觀如見鶴口口真空波行論法沼語

驚鴻其四馳迅速烏飛免散火宅非固諸子為難金鼓

既韻方超彼岸口等脩謹常遵誦讚其東流頗息西口

難追去來無礙四運相隨而長空久耀廟逶迤金璽常

固寶口無虧其口宮其殿青紫丹墀左連帝闕右口王

畿俄俄妙德供養巍巍常遵福坐口共歸依其上口口

率歲次甲大山秋定其滿其定其奉 詔而下諸州口

口口口觀口口口寺先被廢今儀祿堂闕現存口還舊

口口口別口五

口

口口口主功十劉仁則

大都化主麻師仁

齋主騎都尉平正張洛

齋主錄事楊定鄉

齋主功土杜石生

齋主驍騎尉司倉呂買

齋主功土牛伯通

齋主雲騎尉劉承基

齋主邵南府隊正景

齋主武騎尉張志乾

齋主司倉楊胡仁

齋主雲騎尉趙文達

齋主錄事劉惠達

齋主飛騎尉馮大智

齋主上柱國陽正張志隆

齋主趙智道

齋主雲騎尉王祇僧

齋主功土上官衡

齋主驍騎尉段義方

齋主雲騎尉楊反香

齋主功土杜義昌

齊主功土程懷果

齊主張楚才

齊主上騎都尉張養

齊主功土董志恪

齊主功土宮君言

供養主呂英儻

供養主呂杜丰

供養主霍行基

供養主景保熾

供養主宮仁基

供養主程仁達

供養主元神載

按大德寺彌勒閣今山西通志已無可考玩碑文則荆河上洛盟津晉闕五臺三山皆其前後左右之山川形勝也歲次甲戌上有泐字是上元元年下云口秋之月滿月之日据高宗紀秋八月壬辰皇帝稱天皇皇后稱天后改咸亨五年爲上元元年以通鑑目錄推之是歲八月戊寅朔壬辰爲十五日而碑所云滿月之日者蓋謂月滿之日正指十五日也然則改元旣在八月十五日而天下諸

州觀寺儀像堂廡現存還舊之語亦即改元詔內所連及之者碑於秋之月上泐一字當是仲秋之月也碑中書多用天后所改十二字且其餘別體字多有出於十二字之外者為數極多不能枚舉則向謂天后改字始於大周者不盡然矣又皇帝稱天皇始于改元之日而碑內已見然則此碑當立於上元改元之後末行年月是追述詔詞非立碑歲月也惜此下文字漫滅不能詳釋其始末矣

孝敬皇帝睿德紀

碑約高一丈六尺四寸餘廣七尺六寸三十三行字數八十二至八十九不等蓋下截現短一尺七寸餘

其每行亦闕七字八字九字不一行書飛白額在偃師縣

御製 御書

朕聞乾象上浮南陸啓黃離之耀坤元下闢東明啟碧題之居稽古前王憲兩儀之大則傍求列聖崇貳極之丕□□以長隆守□永茂承祧膺繼□□□四□□□□□萬□□□□□□□□□□下闕藻人文以成務茂實光於載鼎嘉聲表於洊雷區分四德之□具美八繁之誠其於鑾有之矣鑾字宣慈 高祖神堯皇帝之曾

孫 太宗文武聖皇帝之孫朕之元子也緬惟聖系崇高極天無以方其峻□□森邃浴景無以喻其深如

蜺裳夜月之□類□鬱□□之瑞關浮紫氣□□之
□□地□□□□□□□□□□高祖屬山鳴之標

運躡神嘯之屯期受大命於□宮□□氛於□野

太宗雲行雨施撲炎岳而救焚架橈乘舟濡沸海而匡

溺更張天地息龍戰而靜陰陽重□□象弭麟鬪而清

日月細柳盤桃之域摠入堤封銅標珠闕之鄉並歸正

朔□□□□□□□□□□累聖之崇基纘重光

之大業幸休徵□洽景靈惟新宇宙無虞環瀛有截□

玉燭而調四選品彙昭蘇握金鏡而朗八荒中外禔福

□蒼昊而垂祐□結本□由□□而發祥□□□

□□□□□□□□□□下闕承魏雲而毓質戴玉連珠之異相發

於髫初注琴銘劍之能道光於卯始年纔一歲立為代

王鳧岳崇□□□景風之典象舟□□益峻□人之高

朕以主鬯攸□□□□□□□□□□宰是命□龜以□

□下闕春闈習禮秋籥彈藝宮之奧旨究肅成之宏義一

物載行九□□允庶延端士納審諭之良箴博採正人

□□翼之明行略詮其美□□德焉尔其□性純□□

道□□承□□□□起問□□於三□下闕朕及天后攝

衛微乖則色不滿容行不正履出青宮而視膳輟寢通

宵入紫庭而扇枕纏憂永日豈止衣□□□藥必親嘗

而已哉此其至孝也監國字人務口口口刑慎口口
口口口口口口口口口身後闕竊金口而口口口召唯

恭出銅龍而載湯此其至仁也承天奉口貽肅雍之大
矩迎郊過廟極口口之崇儀口口不惰其容口暗莫

其檢同輿共帳口口均口口之風口口橫經口口口
口之禮口口口闕下喻其神望景揣情藏往無以淪其口

心融道鏡應萬象以含幾器韞口珠苞六合而口照辯
防口之訟義出羣口驗長壽之書事惟獨察此其至明

也口柱茅簷口口菲食戀口口口口口口口以為口
朕每賜以口口闕佩服以承恩雅淡既隆還委襲而從

好此其至儉也不逐聲色符帝乙天性之高載植口口
有顓頊口口之量馳騁末口弃之而弗為書劔淺技能

之而弗貴西苑口遊口口林泉口口東口口口口口
口之娛闕下口小道恐泥不畱聰於異端此其至正也七

門四徹之書乎窮泉極蓬府柏臺之秘口口真筌考口
典於叔時採德義於羊傅罷搖嶺之風樂鍾鼓六口口

口口之口口笙口口口此其至口也柔而能口闕下佳諷
之口政或是非潛申獻替之益朕所惡者有口口而必

揚朕所好者無纖口而不舉父有諍子斯之謂歟此其
至口也綿映葭莩因心之戀已切口山口口口口之愛

允深闕其孔懷此其至睦

也為而不恃闕柱史之妙門異而能齊體蒙叟之虛室

賓實斯混語默兩忘咸英與林籟同歸袞系與雲霞一

致此其至通也迪闕衆德闕踐闕詔闕

闕洛陳謨凌太山而開辯圖闕鮑去

俎禮不忘於須臾鈞鼈臨闕文必申於造次畋遊寢跡

不待闕之書道德立身無資設木之諫雖復謳歌未

載啓之願闕攸歸闕朕闕下闕山

脫屣褰裳願尋真於汾水不飾情於外禪無待咨岳之

口口逸已於中宸自申知子之梗潛圖釋負未述所懷

屬炎籥戒辰涼闕避暑闕因扈闕沉闕及其闕愈

乃闕性特隆一聞此言因便感咽伏枕闕歛哽絕

移時重致綿甯遂咸沉痼西山之藥不救東岱之魂吹

湯之鑿莫返逝川之命以上元口年口月廿五日薨於

口口口之闕既仰謝於姬昌變髮之悲遂俯同於容

傷闕不知至人無愛大道忘情雖慕延陵之闕終愴卜

商之感天后心纏積悼痛結深慈闕口口口口口口

口口口泣昔周闕言朕之至懷不欲違其心許闕申舊

命爰贈尊名粵以吉辰闕諡為孝敬皇帝其葬事威儀

及山陵制度皆闕天子之禮惟爾識自生初性闕口口合

體□□□□□□□□下日將月就羣方欽其麗正多士

挹其宣猷愛敬極於九重光耀□於四海卑詞降東園

之逸高談接南館之賓儲君之德盛焉□□之望隆矣

庶其三□□茂方□□□下微奄促上賓之駕興言□

往震悼良深朕以其孝於承親恭於事上意欲還京卜

葬冀得近侍 昭陵申以奉 先之禮順其既

往之志但以農星在候田務方殷重歸關輔恐有勞廢

遂割一己之慈□便兆□之業□□□□□□□□

資瓦木一從本志無□宿□卽以上元二年八月十九

日遷窆於景山之原禮也冀樹□□陽無隔風雲之路

鶴歸緜□□下谷之有遷刊琬碧而垂範式旌德行迺

作銘云

震象凝位離景騰輝地惟重海天開少微惟皇取則利

建儲闡承祧是寄主鬯攸歸_其運啓□圖祚隆

先聖丹霧□□□□下慶□□□□□□下正_其

研機道□發□□津戈臨□序籥奏秋旻商巖佇逸望

苑通賓□藝方遠宣猷日新_其禮茂承顏□融錫類愛

敬兼極君親一致□□義重□□情至性□□□下

優遊四德績劬撫軍譽宣監國便坐垂範寢門貽則量

湛川沖化敷靈默其五虛佇承疑崇奉師保望口辯臚臨

口口藻口口口宮口逾口道口德斯口口口為寶其六口

楹口下靜口口口葭締遊鷓厨斯啓鮑俎弗羞恭行一物

澄汰九流其七緬惟釋重口追前懿爰念少陽將推大位

純孝深感聞言哽泗口命未申口口口口口其八玉口口彩

珠沉夜光未口下泣靈圃風悲畫堂感今興悼念昔增

傷其九崇謚追尊鴻名贈册伊洛疏兆嵩環卜宅隧擬橋

巖塋圖畢陌霧凝平楚煙生口柏其十原隰口口口口口

口口口口口仙殿口口口下鳳碑空篆鶴駕無追其十一

右孝敬皇帝叡德紀高宗御製并書書法與晉祠銘

相似孝敬皇帝者高宗之第五子皇太子宏也上元

二年從幸合璧宮尋薨新唐書以為武后醜之是年

追加謚號葬於緱氏縣景山之恭陵宋熙寧八年省

緱氏縣入偃師今為偃師縣地矣孝敬字宣慈新舊

史皆失載潛研堂金石文跋尾

劉昫唐書列傳云恭陵制度一準天子之禮高宗親

為制叡德紀并自書之於石樹於陵側即此碑也太

平寰宇記云緱氏縣有恭陵孝敬皇帝陵在縣東北

五里今俗亦呼太子陵河南通志誤曰敬宗陵蓋謬

甚矣武進士億云碑云宏字宣慈今史于燕王忠太

子賢竝書字而此獨見遺蓋失紀也又云年才一歲立爲代王高宗紀永徽六年封子宏爲代王本傳亦同若以一歲始封數之自永徽六年至上元二年太子宏之薨年乃二十一而傳作二十四歲者誤也武君偃師人深于經史之學

中州金石記

按碑下截殘泐幾不可辨記云卽以上元二年八月十九日遷窆於景山之原據傳惟云葬緱氏考記墓者多以山原誌其藏示不易變也然則如此記所云亦爲得其實又顧亭林云古人主有追封其父兄無尊其子弟者惟秦文公太子卒賜諡爲靖公唐代宗

追諡其弟故齊王倓爲承天皇然於高宗追諡太子宏爲孝敬皇帝顧氏竟亦失引今以此碑按之并可著其闕也題額與昇仙太子碑皆飛白書尤不多見

故并著之 偃師金石跋

按此碑文幾三千字存者尚千七百餘字太子宏爲高宗第五子文云朕之元子者以立爲太子卽詩建爾元子之義也年纔一歲立爲代王兩唐書紀及新書傳皆云永徽六年封代王獨舊書傳作永徽四年據燕王忠傳永徽三年立忠爲皇太子六年王皇后被廢武昭儀所生皇子宏年三歲禮

部尚書許敬宗上疏云云則是宏實生于永徽四年以舊史證碑正合一歲封代之語然與諸處之言六年封代者多牴牾也文敘太子有九德曰至孝至仁至明至儉至正至口至口至睦至通泐其二字不可曉蓋褒美之詞備矣太子之薨當時傳聞多異詞舊史傳則渾其詞曰是時戴至德張文瓘兼左庶子與右庶子蕭德昭同爲輔弼太子多疾病庶政皆決於至德等上元二年太子從幸合璧宮尋薨制詞有曰皇太子自琬圭在手沈瘵嬰身及媵理微和將遜于位而宏天資仁厚孝心純確旣承朕命掩歎不言因茲感結舊疾增甚碑亦云不飾情於外禪無待咨岳之口口逸已於中宸自申知子之梗潛圖釋負未述所懷口口因扈口口口沈口及其口愈乃口口口

所存沈字愈字卽一
是沈疴漸愈之意

問此言因便感咽重致綿留遂成沈痼碑悉與舊傳合則是太子之薨由於多病而又聞禪位之語益致不起也新傳則欲著武后殺子之罪不述其多病之由直云后将騁志宏奏請數拂旨上元二年從幸合璧宮遇酖薨又于本紀書四月己亥天后殺皇太子舊史本紀但書四月己亥皇太子宏

薨于合璧宮之綺雲殿始終不言其被殺也温公
通鑑亦不遽實其罪但云太子宏仁孝謙謹上甚
愛之禮接士大夫中外屬心天后方逞其志太子
奏請數廷旨由是失愛于天后已亥太子薨於合
璧宮時人以爲天后酖之也袁樞紀事本末語與此同考異亦
云唐歷宏仁孝英果深爲上所鍾愛自升爲太子
敬禮大臣鴻儒之士未嘗居有過之地以請嫁二
公主事詳本傳失愛於天后不以壽終實錄舊傳皆不
言宏遇酖惟李泌對肅宗云高宗有八子天后所
生四子長曰孝敬皇帝爲太子監國仁明孝悌天

后方圖臨朝乃酖殺孝敬立雍王賢爲太子新書
蓋據此及唐歷也宏之死其事不明今但云時人
以爲天后酖之也疑以傳疑然則温公亦不以天
后殺子之事爲可信矣朱子於綱但書太子宏薨
諡孝敬皇帝於目則書義陽宣城二公主幽于掖
庭太子奏請出降上許之天后怒卽日以公主配
當上翊衛太子尋薨時人以爲天后酖之也此語與通鑑
同詔追諡爲孝敬皇帝范氏曰皇帝者有天下之
號非所以爲贈也父沒而後子立今父在而追尊
其子豈禮也哉蓋武后謀篡國酖太子而加之尊

定大夫之□□嘉謨斯在介子之□樓蘭英風可躡
竭誠之跡基於此矣詔授左屯衛將軍仍令□門宿衛
□甲第□□降□□□□□□□□貞觀□四年□
□御□軍□□□之睿□去□□□動吹簫之妙曲望
□□威譽浹遐迩俄丁元□憂尋起復職寢苦結慕集
藜纏哀善喪能毀菓兒悲於行路奪□卽戎柴形□於
朝序□年 詔□□□公□□□□□□□□檢校
長□都督□□□□□□四豪之□□任隆式□□十
□之新□克清邊堦言旋京邑檢校左屯營旣而句麗
百濟耳相侵逼處月焉耆各爲脣齒□□邪於荒裔□

□伐□ 皇情□□□□□□□□□□□□□□□□
□□綏邊□□□□□□□□□□□□□□□□□□□
詔公□域安撫□□□□□□□□□□□□□□□□
地讐□加授上柱國廿年遷右武衛大將軍復屬延□
縱慝鐵勒怙亂乘壯月以控弦候朔風以鳴鏑□膺分
□□□□□□□□□□□□□□□□□□□□□□□□
□而□□後之以刑□□□□□□□□□□□□□□□□
賴賜金銀器物數十事繒綵五百匹錢廿萬馬五十匹
霍氏辭第竟收絕漠之功苟父□錫寔□剋狄之効俄
而□□□□□□□□□□□□□□□□□□□□□□□□
宸□□□□□□□□□□□□□□□□□□□□□□□□
而始絕 天皇纂靈景□惟新

帝澤滂流
思念舊爰復本任委之心膺永徽中以
太妃憂去職樂棘之痛若居元之喪其年起授左
衛大將軍
為使長道行軍大總管韓擾徙
旆除殘契丹縱毒迴戈採亂剽羣兔之遊魂覆黃龍之
統亦既兼隆改營為羽林軍委公
統兵妙識機權上苑六軍取
其節度八校法其規模是以歷事兩朝
諸王宴集公必焉伯初之恒宿禁中仲

丙等梁陰

勳 詔公兼衛大將軍檢校羽林

如故式彰巡警之効聿陪登降之禮嘉慶是

允洽復以吐蕃蟻近凶醜

蘭之城想伏波載思海摠章

初 詔公為青海道行軍大總管甫臨邊克靜妖

將軍有百勝之功 天子緩一之尋又奉

詔西域行軍大總管

能義斯舉有征無戰信竝行羌夷是

洎乎振旅頻加勞問方當克享期頤永膺福祿延十紀

之遐筭升九命之崇班不謂大樹先秋口松落其口口
高口遂口口口口口口口口口口口口口口口口月廿口
日薨於洛口口口口口之私第春秋六十有五口口皇
上夙延口恩顧事越等倫爰自寢疾深於口癖之寵口
是歸全甚於趨輪之勳前後中使相望於道口口詔贈
口軍大將軍口口節大都督口口口口四州諸軍事荊
州刺口口絹布口百段口粟口百口口東園祕器凶事
葬事竝令官給務從優厚陪葬昭陵儀仗送至墓
塚往還常所服甲口口口口口口口口口口口口口口口
口口口口口口口口口口口口口口口口口口口口口口
以其年歲次乙亥十月口口口口口口口口口口口口

口口口口口口口口口口口口口口口口口口口口口口
昭陵之安口口口口口口口口口口口口口口口口口口
原謚曰貞禮也惟
公擅口知口敏稟默識之口口口口口口口口口口口口
靈爽澈蘊蒼
學以載融瑩白珪以無玷貞心勁勇口竹口而口秀口
口抑口口口口口口口口口口口口口口口口口口口口口口
口口口口口口口口口口口口口口口口口口口口口口口口
於神處口口於口口口口口口口口口口口口口口口口口口
割口
斷口危就安口口口口口口口口口口口口口口口口口口
而著勩天錫歸口而延寵此乃
口口之智也清以激貪勤以應務止口口口口口口口口口口
也口口無口口口口口口口口口口口口口口口口口口口
口口口口口口口口口口口口口口口口口口口口口口口口
此乃奉親之孝也珠璣
踵口口之口居喪極二口之口口陳扉無卿長之口口
孕掌瑤口光口辛氏口將帥之口

乃□子之□也□□□□□□□□□□□□□□□□□
□□□□□□□□□□□□□□□□□□□□□□□□□
聲□□上□□紫極排闥闈而遐舉側□丹宮肅□
陳以□待□臨□甸一戰而蕩元夷右瞰河□□□□
□□□□□□□□□□□□□□□□□□□□□□□□
□□□□□□□□□□□□□□□□□□□□□□□□
□無□□於□將之□博陸之謹慎□心二十餘載富
平之勤勞處事三十餘祀按彼聲塵固□優劣□所謂
立功立□有□有□□□□□□□□□□□□□□□□
□□□□□□□□□□□□□□□□□□□□□□□□
誕□□□□□□□□□□□□□□□□□□□□□□□

□□學該七略發揮書□之奧辯縱□牙含吐□
□君子□其禮節通人許其遠大至性有□因心則成
以爲□□□□□□□□□□□□□□□□□□□□□
□之質□列□□□□□□□□□□□□□□□□□□
之節故人望拜遐傳不朽之業其銘曰
文昌列將武庫陳兵□方爲傑踰千□英□此邦彥□
□國□□□□□□□□□□□□□□□□□□□□□
雲□三□電逸虹寶連城驪珠□□器則瑚□材惟梓
漆德宇曾騫禮輿遐振斷山載疑澄陂已濬踐孝履仁
宅謙居慎處事無□出言有□□□□烈劍術窮微□

聖□歸□□□擅榮□□里□□□秦樓載峙軒蓋
聯華歌鍾□起宅躬伊泰在貴不恃盡節禁□□□
服東□□□西臨□谷□□□□□□□□□□
□□□□□□□□□□□□□□□□山□□□
□紀貞石而垂□庶幾□□□□□□□□□□
□□□□□□□□□□□□□□□□□□□□□

右唐阿史那忠碑唐書列傳云忠尚宗室女定襄縣

主始詔姓獨著史今此碑當時所立題云阿史那府
君之碑而元和姓纂亦云阿史那氏開元中改爲史
疑傳誤也唐太宗親撥隋亂卽位未幾遂致太平其
好賢樂善蓋出天性故一代之豪傑皆樂爲之用如
忠之徒出於降虜亦皆立勳本朝著名後代雖云太
宗天姿英睿絕人甚遠至于輸忠盡節諸賢之助亦
多矣嗚呼盛哉

金石錄

碑泐其存者稍倍于豆盧寬碑亦以額識之而書法
更勁拔在永興河南間惜撰書俱無名氏可考耳

石墨

鐫華

碑已漫漶可識者七百餘字按新唐書忠傳蘇尼失子也今碑作蘓其下虛一字以下文乃皇朝字也是忠父名蘇史誤耳宜從碑金石文字記作上元二年

雍州金石記

右薛公阿史那忠碑醴泉縣志云存七百餘字予所藏本廋存二百餘字所書事跡與本傳略同惟突厥傳稱太宗立阿史那思摩爲可汗詔左屯衛將軍阿史那忠爲左賢王左武衛將軍阿史那泥孰爲右賢王相之而其後又云右賢王阿史那泥孰蘇尼失子也始歸國妻以宗女賜名忠及從思摩出塞思崇中

國見使者必流涕求入待許之又併忠與泥孰爲一

人前後自相牴牾則其謬也

潛研堂金石文跋尾

按集古錄作上元二年金石錄作咸亨四年元和姓纂云阿史那氏開元中改爲史唐書列傳云忠尚宗室女定襄縣主詔姓獨著史碑建于高宗時並不言改姓唐書誤也姓纂爲是

關中金石記

按碑文約二千六百餘字存者千七百餘字雖存十之六而其最要處皆經磨泐兩唐書傳又皆簡

略今取碑所存字節錄其官閥事蹟與史傳參考之通志氏族略阿史那氏夏氏之裔居兜牟山北

人呼爲突厥窟歷魏晉十代爲君長後屬蠕蠕阿
史那最爲首領後周末遂滅蠕蠕霸疆北土蓋百
餘年至處羅蘇尼失等歸化號阿史那唐開元更
爲史氏此阿史那之原委也碑但云其先代人蓋
舉其要耳舊唐書傳貞觀初阿史那蘇尼失者其
父始畢可汗以爲沙鉢羅設頡利政亂突利來奔
頡和乃立蘇尼失爲小可汗頡利爲李靖所破蘇
尼失舉衆歸國因令其子忠擒頡利以獻此阿史
那蘇尼失歸朝之原委也是忠之祖爲始畢碑所
不詳忠之曾祖碑泐其名史又不載不能考也新

傳稱忠宿衛四十八年忠以上元二年薨春秋六
十有五推其生在隋大業七年其直宿衛始于貞
觀二年其時僅十八歲也忠之薨年碑已全泐据
其葬年在乙亥知其薨是上元二年是年十月辛
未朔十五日爲乙酉皆可補碑之闕也忠陪葬昭
陵稽之長安志昭陵圖但有阿史那什鉢苾墓在
澄心寺左新羅眞德墓之左又有阿史那社尔墓
在證聖寺左賀蘭整墓之右而不見有阿史那忠
墓至昭陵圖說則云功臣大將軍尉遲敬德已下
六十四人內蕃將阿史那忠等九人殆是與什鉢

茲社尔墓耐葬也陪葬昭陵飾終之典與諸碑同
惟云常所服甲敕令隨瘞則獨見此碑碑書元菟
作元兔吐蕃作吐藩皆音譯之異者

金石萃編卷五十八終

金石萃編卷五十九

賜進士出身 誥授光祿大夫刑部右侍郎加七級王昶撰

唐 十九

明徵君碑

碑高一丈一尺一寸八分廣五尺三十三行行七十
四字行書額題攝山栖霞寺明徵君之碑篆書在上
元縣攝山 栖霞寺

攝山栖霞寺明徵君之碑

御製

朝議郎行左金吾衛長史侍相王書臣高正臣奉

勅書

朝散大夫守太子洗馬王知敬篆書

朕聞鍾山玉闕羽駕之所巡遊崑嶽金臺蜺衣之所翔
集雖復真宗宵眇神理希微猶居三界之中未出九天
之外唯有乘如廣運妙覺圓明因無生以濟有生就無
象而成大象道隔去來之際筌繫靡得其端理忘動寂
之機隨迎罕窺其奧得其門者如髻寶之希逢臻其極
者似曇花之難遇南齊徵君明僧紹者平原人也仲雍
誕其綿麤井伯播其靈苗芳源肇於孟明因卽以明爲
姓曾祖忱晉著作郎祖玩晉建威將軍鳳經流譽雅韻
隆於八儒豹略申威香名高於七校父略宋平原太守
中書侍郎朱明出撫揚惠化而傍霑紫誥攸司罄忠規
而奉上徵君早植淨因宿苞種智悟真空於綺歲體法
性於青襟照與神通心將道合遺榮軒冕少無塵雜之
情託志林巖自叶幽貞之趣亭亭秀氣掩璧月而架丹
霄皎皎清矜漱瓊滿而凌碧瀨卽相非相指萬象爲虛
空無我無人等四流於寂滅加以學窮儒肆該綜典墳
論極麤津精通老易至若鹿野龍宮之祕猿江鶴樹之
文莫不遞貫清衷揔持丹府班荆坐樾獨神王於亭宰
朗嘯長吟乃情超於宇宙蒲輪每至攀桂之節逾高玉
帛屢陳枕石之誠彌固遂乃緬懷飛遁抗迹嶠山託岫

疏階憑林結棟紉蘭製芟方輕藻火之衣爽籟風松自
代管絃之響橫經者四集請益者千餘高鳳愧以韜光
張超謝其成市于時南風不競東土構屯人廩豺狼之
毒家充虵豕之餌盜仍有道望境歸仁其結盟誓之言
不犯徵君之界豈非至誠攸感木石開心者乎及元璽
告終青光啓祚齊高祖希風佇德側席傍求屢下徵書
確乎不拔其後又移居欒洲揜榆山栖雲精舍情親魚
鳥志狎煙霞蛻影樊籠蕭然獨往齊建元元年又下詔
徵爲散騎侍郎又不就旣而濟岱淪胥公私蕩覆稽天
之浸將溼蹈海之居燎原之火欲燼藏山之璞乃鴻鸞

鳳舉騰萬仞以高翔擇木選君相九土而遙集凌江迴
憩遂屈南京負杖泉丘遊睨林壑歷觀勝境行次攝山
神谷仙巖特符心賞於是披榛薙草定跡深棲樹槿疏
池有終焉之志此山其狀如織故亦號曰織山丹穴紅
泉共星河而競寫珠林鏡嶽與月桂而交暉鳥呀巖虛
猿吟澗靜松門杳藹去來千里之雲花櫻丰茸含吐十
枝之日實息心之勝地乃宴坐之名區爰集法流於焉
講肆音容秀澈字量端凝投論會奇興言入妙若鴻鍾
之虛受有擊必揚似明鏡之忘疲無來不應于時元儒
兼闡道俗同歸俱號淨名以旌至德先是山多猛噬人

罕登臨昇巖有仙谷之危越澗等憑河之險徵君心不
忤物揔萬類以敷仁故使物乃革心屏三毒而歸惠興
風歛暴遠承探鯁之恩游霧含幸自埒報珠之感于時
齊道方穆寤寐求賢永明元年又徵爲國子博士徵君
隱居求志義越於由光不降凝心跡高於園綺鑿坏貞
遁漱石忘歸鶴版載臨豹姿逾遠俄有法師僧辯承風
景慕翼徒振錫翻然戾止法師業隆三藏道邁四依戒
行堅明律軌嚴淨欣然一遇叶契于齡子琴爲莫逆之
交溫雪豈容聲之友回卽隣巖構宇別起梵居聳嶠飛
柯含風吐霧栖霞之寺由此創名福地栽基肇發初心
之誓法門搆邃遽鍾後說之辰安居頃之辯師遷化六
年頂拜雖開青石之壇千日威光未建紫金之岳徵君
積緣登妙至感入微嘗夢法身冠于曾巘後因乘眺履
步林亭乃有浮磬吟空寫圓音於帷樹飛香散迴騰寶
氣於鑪峯又覩真顏于巖之首神光駭矚若登靈鷲之
山妙力難思如遊瞽龍之邑豈止無垢佛國獨蔭珠雲
淨德王家方承珂雪是知不行而至冥通應感之符爲
法而來實昭光啓之福非夫慧因宿植其孰與於此哉
於是拜受嘉徵願言經始將於巖壁造大尊儀乃眷爲
山未遑初簣遽而西州智士與曉岳而俱傾東國高人

隨夜星而其沒瓊瑤落彩峯岫沉暉永明二年奄遷舟
壑第二子臨沂公仲璋顧慕曾巒旣崩心於岵望徘徊
曩搆更泣血於楹書遂琢彼翠屏爰開菜座捨茲碧題
式建花宮上憲優填之區仰鏤能仁之像按美何充之
宅遽興崇德之闈逖彼蕭宗大應釋典文惠入于及竟
陵王或澄少海之源派朝宗於法海或茂本枝之穎發
萌桓於禪枝咸捨淨財光隆慧業時有沙門法度爲智
殿之棟梁卽此舊基更興新製又造尊像十有餘龕及
梁運載興銳心迴向大林精舍並事莊嚴臨川王載剖
竹符宣化惟揚之境言尋奈苑興想拔茅之義以天監
一十五載造無量壽像一區帶地連光合高五丈滿月
之瑞湛珠鏡以出雲崖聚日之輝昇璧輪而皎煙路忝
差四注周以鳥翅之房迢遞千尋飾以魚鱗之瓦擊鳴
乾於爽籟則步影齊歸麗停午於高曦則息心攸萃逾
錦城而特建掩銀界而孤標良由積慧所符大士著甚
深之業用能遙誠克果永代增稀有之緣以曠劫之隆
因開含生之至福偉哉壯觀無得而稱朕肅慕禎圖丕
承寶龕浴九溟而有截宴八表面而無爲紫塞丹岑接封
畿於上苑白門青野款賤贄於仙闈將使率土蒼生鎮
昇仁壽之域普天黔首永蹈淳古之源崇慶越於兩儀

景運踰於萬劫屬以冤旒多暇物色傍求瞻江海而載
懷詠林泉而興想欽風味道恨不同時古往今來撫運
化而雖寂德崇業著眷神理而猶存寤寐遺塵有兼前
烈瞻言勝軌歎佇唯深今故於彼度人常滿七七各兼
衣鉢錢二百貫絹二百匹蘇參拾斛繡像織成像新舊
翻譯一切經一藏并幡華等物口幽尋之曩跡光顯德
門託嘉遁之名區追崇仁里就福宇而延福卽祥基以
締祥冀緣金囿之庭近叶珠囊之耀所願通因法岸契
果禪林 九鼎與元極同安 七廟與紫微

齊固摠三千之淨土並沐薰歌罄百億之恒沙長爲壽
算口鐵圍之所苞括玉燭之所照臨常殮六氣之和俱
藻一音之聽夫象以盡意意非象而不申言以會情情
非言而不暢是以發揮二諦宏演四依迴託蓮花之峯
遙刻芝英之字庶海乘頻變孤超弁岳之碑城芥屢空
獨跨稽岑之篆式陳茂實乃作銘云

悠悠法界摠摠含生輪迴欲海起滅身城俱安大夜共
習無明愛塵岳聚毒樹雲平其邈矣遍知超然獨悟遽
乘五演高披六度大空善說中天巧諭引彼迷途歸之
覺路其猗歟淨行育彩昆田家口珪組代著忠賢戎支
宿習種智斯圓棟梁三寶薰修四禪其爰始筮寶薜蘿

攸整蹈海沉跡棲巖滅影天地構屯干戈平警北林冈
底南轅載騁其四翻飛澤國歷考山圖言瞻碧磴自韞

珠口峯架室枕壑通衢鱸庭廣跨馬帳響敷其五同氣相

求善鄰遙託道符久敬心均常樂對闢金園竝疏銀閣

谷停帝馬巒歸梵鶴其六空分瑞塔地積香臺口口霄暎

珠雲旦來千光霧起七淨霞開其七通飛錫澗下乘杯

桂嶽參差松亭隱藹石壇照錦瑤泉瀉籟岫接香鑪峯

承寶蓋翔鳧演法毒龍銷害其八梵宮既啓福海長深

虺忘穴飛鷗革音羣生普戴奕祀同欽不有高節寧符

宿心其九口哀多閑聞風逸想茂軌遐劭清暉遽往佇

契業於圓明冀崇緣於方廣鏤飛篆於曾岳齊勝基於

穹壤其十

上元三年歲在景子四月戊戌朔廿五日壬戌建

右唐明徵君碑徵君者梁人名山寶也高宗朝其裔

孫宗儼以方伎進故立此碑舊唐史言高宗自製文

而書之非也蓋高宗撰文高正臣書耳金石錄

右高宗御製高正臣書王知敬篆額碑陰有棲霞二

大字乃大中庚子歲立今碑乃景子此卽米芾所謂

手摩一丈玉讀盡上元記者書自聖教序中出極有

風骨可愛蒼潤軒帖跋

上元三年四月立今在上元縣棲霞寺唐有兩上元
此云景子者高宗號也 舊唐書明崇儼傳累遷正
諫大夫特令入閣供奉崇儼每因謁見輒假以神道
頗陳時政得失帝深加允納濶州棲霞寺是其五代
祖梁處士山賓故宅帝特爲製碑文親書於石論者
榮之今按此碑乃高正臣書史家以御製并訛爲御

書耳

金石文
字記

按碑云南齊徵君明僧紹者太原人也初序其隱遁
之高繼言栖霞之勝而以度人賜經錢絹等物終之
則立碑者以僧紹非山賓審矣梁書山賓傳又僧紹

隱居不仕宋末以國子博士徵不就而山賓官侍中
舊書竟以侍中爲處士德甫復以此碑之僧紹爲山
賓何耶齊書僧紹傳永明元年以國子博士徵不就
卒故此碑云南齊徵君梁書所云宋末徵者亦誤然
傳云子元琳字德璋而無山賓齊書修于梁山賓爲
梁大臣而反遣之何也碑又云法師僧辨爰來至止
別起梵居栖霞之寺由此創名蓋辨依紹建寺並非
明氏故宅使高宗寵加崇儼宜于碑末及其名字卽
山賓亦未之及未知劉氏何据舛謬至此新書削去
製碑一語有以哉

金石
後錄

右栖霞寺明徵君碑徵君者南齊處士僧紹朱錫鬯以爲梁處士山賓蓋承舊唐書明崇儼傳之誤山賓仕梁通顯沒贈侍中非處士也據碑捨宅爲寺乃僧紹第二子臨沂公仲璋而崇儼傳以爲山賓故宅皆誤也碑稱僧紹祖玩晉建威將軍而南史云州中從事父畧宋平原太守中書侍郎而南史云給事中未知孰是碑稱移居鬱洲揜榆山而史作舛榆揜舛本一字金陵在明代有南京之稱此碑云乃屆南京似先爲之識矣

潛研堂金石文跋尾

按碑題朝議郎行左金吾衛長史侍相王書臣高

正臣奉勅書高正臣史無傳說詳杜君綽碑相王

卽睿宗舊唐書睿宗紀帝好學工草隸尤愛文字

訓詁之書上元二年封相王高宗紀作三年正月拜右衛大

將軍正臣時爲侍書則正臣之能書宜矣新唐書

百官志王府官無侍書專員但有友一人掌侍游

處規諷道義侍讀無定員文學一人掌校典籍侍

從文章則是侍書之員或卽侍讀文學所兼也又

百官志注云高宗中宗時相王府長史以宰相兼

之則其他之兼者可知矣又左右金吾衛兵曹騎

曹曹參軍事各有長史一人正臣時正授此官

也篆額者王知敬史附王友貞傳但云善書隸今
觀此碑則又知其工於篆也碑云南齊徵君明僧
紹者太原人也仲雍誕其綿允并伯播其靈苗芳
源肇於孟明因卽以明爲姓通志氏族畧以字爲
氏者明氏姬姓虞仲之後也有百里奚者爲虞之
公族大夫晉獻公滅虞虜虞公及其大夫百里奚
以媵秦穆姬自此遂爲秦大夫奚生孟明視視名
也明字也以字爲氏下文載宋朝明姓者三人明
鎬明靚明橐而獨不及上溯徵君諸人南史傳明
僧紹字休烈平原鬲人一字承烈其先吳太伯之
裔百里奚子孟明以名爲姓云太伯之裔與碑異
以名爲姓與氏族畧異碑云曾祖忱晉著作郎祖
玩晉建威將軍父畧宋平原太守中書侍郎晉宋
書皆無傳南齊書僧紹傳不載曾祖但云祖玩州
中從事父畧給事中南史亦但云祖玩州治中父
畧給事中歷官俱與碑異傳云僧紹有儒術宋元
嘉中再舉秀才永光中鎮北府辟功曹並不就隱
長廣郡嶗山聚徒立學碑不著宋年號但云蒲輪
再至攀桂之節逾高玉帛屢陳枕石之誠彌固遂
乃緬懷飛遁抗迹嶗山橫經者四集請益者千餘

嶗山在今膠州卽墨縣劉宋時爲不其縣屬長廣
郡嶗又作牢魏書地形志長廣郡不其縣有牢山
又作勞太平寰宇記大嶗山小嶗山郡國志云夫
差登之得靈寶度人經齊記云泰山自然高不如
東海嶗山東通志在卽墨縣南六十里濱于海其
山有二高者曰大嶗差小者曰小嶗二山相連高
二十五里周八十里顧寧人嶗山圖志序曰嶗山
在今卽墨縣東南海上有大嶗小嶗其峯數十總
名曰嶗志言秦始皇登嶗盛山望蓬萊因謂此山
一名嶗盛而不得其所以立名之義案南史明僧

紹隱於長廣郡之嶗山則字或從山又漢書成山
作盛山在今文登縣東北則嶗盛自是兩山古人
立言尙簡齊之東偏三面環海其斗入海處南嶗
而北盛則盡乎齊東境矣其山高深阻旁薄二
三百里以其僻在海隅故人跡罕至人則從而夸
之以爲神仙之宅靈異之府其說云吳王夫差登
此山得靈寶度人經考之春秋傳吳王伐齊僅至
艾陵而徐承率舟師自海道入齊爲齊人所敗而
去則夫差未嘗至此也自田齊之末有神仙之論
而秦皇漢武謂真有神人在窮山巨海之中於是

八神之祠徧于海上萬乘之駕常在東萊秦皇登之必一郡供張數縣儲侍四民廢業千里驛騷於是齊人苦之而名曰勞山也其以是夫此勞山之說較諸家為最晰因附載之碑云齊高祖屢下徵書確乎不拔其後又移鬱洲榭榆山栖雲精舍榭齊書南史俱作弁榭建元元年又下詔徵為散騎侍郎又不就既而濟岱淪胥公私蕩覆凌江迴憩遂屆南京行次攝山有終焉之志此山其狀如繖故亦號曰繖山爰集清流於焉講肆永明元年又徵為國子博士徵君鑿坏貞遁漱石忘歸鶴版載臨豹姿逾

遠俄有法師僧辯欣然一遇叶契千齡因即隣巖構宇別起梵居栖霞之寺由此創名安居頃之辯師遷化徵君嘗夢法身冠於曾巘後因乘眺又覩真顏手巖之首將于巖壁造天尊儀永明二年奄遷丹壑南齊南史兩傳皆同惟建元徵散騎侍郎兩傳作正員外郎法師僧辯兩傳作僧遠又攝山上有江乘二字碑所無也又傳稱齊太祖遺竹根如意符籙冠隱者以為榮此事碑亦不叙入江乘縣宋屬南琅邪郡齊時廢郡隋時廢縣入句容江南通志攝山在江寧府東北四十五里南史云齊

明僧紹居此山後捨宅爲栖霞寺通志又云栖霞寺在府東北攝山南齊明僧紹故宅唐改功德寺高宗製明隱君碑亦尙完按捨宅爲栖霞寺南史僧紹傳無此語此碑額題攝山栖霞寺亦未嘗改爲功德寺通志語皆未晰也又古蹟門載明僧紹宅在上元縣攝山永明七年僧紹捨宅爲寺卽今栖霞寺僧紹于永明二年已卒安得至七年捨宅乎通志蓋誤讀陳侍中尙書令江總持所撰攝山栖霞寺碑文也總持文云南徐州瑯琊郡江乘縣界有攝山者其狀似繖亦名繖山尹先生記曰山多草藥可以攝養故以攝名焉齊居士平原明僧紹宋泰始中嘗遊此山仍有終焉之志乃刊木駕峯薙草開逕披拂榛梗結構茅茨廿許年不事人世有法度禪師與僧紹冥契甚善嘗於山舍講無量壽經中夜忽見金光照室光中如有臺館形像居士遂捨本宅欲成此寺卽齊永明七年正月三日度上人之所構也居士有懷創造俄而物故其弟二子仲璋爲臨沂令克荷先業莊嚴龕像首於西峯石壁與度禪師鑄造無量壽佛坐身三丈一尺五寸通座四丈并二菩薩倚高三丈三寸云云

詳玩碑文顯係僧紹存日欲捨宅而未果至永明七年其子仲璋與度上人構成之也自通志誤會江碑之意而江寧府志及近出之攝山志皆誤以爲僧紹捨宅在永明七年矣南史傳云僧紹子元琳仲璋山賓並傳家業山賓最知名南齊書則曰子元琳字仲璋是元琳仲璋爲一人也碑乃云第二子臨沂公仲璋可知長子爲元琳南齊書誤也兩傳不詳仲璋事蹟碑云仲璋琢彼翠屏爰開葉座捨茲碧題式建花宮此爲仲璋捨宅爲寺之證又云述彼蕭宗大宏釋教文惠太子及竟陵王咸捨淨財光隆慧業時有沙門法度卽此舊基更與新製又造尊像十有餘龕及梁運載興臨川王以天監一十五載造無量壽像一區帶地連光合高五丈凡此故蹟今檢通志悉從簡畧文惠太子齊世祖長子竟陵王名子良世祖第二子南齊竟陵傳稱與文惠太子同好釋氏甚相友悌子良敬信尤篤數於邸園營齋戒大集朝臣衆僧至於賦食行水或躬親其事臨川王宏梁太祖第六子梁書傳稱天監十五年所生母陳太妃寢疾宏與母弟南平王偉侍疾並衣不解帶及太妃薨水漿不入

口者五日据碑載栖霞造像適在是年疑為太妃
作也碑云今故於彼度人常滿七七各兼衣鉢錢
二百貫絹二百匹蘇三十斛繡像織成像新舊翻
譯一切經一藏并幡華等物凡此所賜錢物皆所
以施福于栖霞者詳玩碑文蓋以栖霞振興佛法
為求福之勝地原其始建在仲璋克承僧紹之業
故不沒其功而為此碑未嘗有一語及山賓并亦
不因崇儼之請也蘇三十斛本草注蘇性舒暢行
氣和血蘇乃荏類而味辛如桂爾雅謂之桂荏此
所賜以斛計必是蘇子本草又云九月收子打油
然燈甚明不知高宗賜此為然燈用否耶此碑文
字完好而取諸史志叅校頗多互異因詳述之如
此碑立子上元三年四月是年十一月始改元儀
鳳也

淮南公杜君墓誌

石高四尺廣一尺九寸十七
行行三十四字正書篆額

周豫州刺史淮南公杜君之墓誌

君諱 字

之後矣締構

曾華望仙雲而連若木口口口浮潤海而接霄潢公
六挺英靈神資朗慈髻幸吐秀綺歲含芳初舉茂才為

三州口口口令懿德裁風美青鸞之儼化嘉猷儼俗光
三翟之依仁政舉薰風譽流天展又詔遷口口刺史諸
事淮南公被雲雨之膏液降霜霰之輕威區群荷子
雨之恩庾策抱陶均之口塞帷千里衢歡何暮之謠露
冤百城門嗟來晚之詠遇周社之傾覆會鼎祚之流移
鹿散中原梟鳴宇縣高班厚裘屬器亂而傾淪墨綬金
章偶崩離而失主嗣子洪貴六人及孫恒周三人等蓄
耀珠泉潛華玉岫光逾月采口爛星暉玉樹分榮聳亭
亭於迴蒲金柯引翠抽鬱鬱於長林或則學瞻文豐兵
輜武略或則風雲在議金石斯懷瓊謝玉而咸瓌貴韋
珠而並貴曉崇基之失緒咨峻趾之湮沉徘徊木鴈之
間仿佯語默之致於是懷五慎佩九箴孝二尊篤三益
咸以壑舟夜徙璫露朝晞天不憖遺溘然長謝口周天
統二季歿乎私第春秋八十有口以隨開皇元年十月
一日與夫人馮氏合葬于龍山口口口原里之禮也其
地東窺邵堞伐楚之迹猶存西迷涇城避狄之隍如在
南鄰涇水神龜游括地之瀾北瞰龍山仙鶴憩聳天之
三翮其瓌木蒼翠嘉樹紛拏是汝口之形勝荆楚之口
三者焉曾孫善達義節八人等痛風枝而結思悼霜露
三摧心遠謝口裘毳慙落構恐口口變海陵谷負遷耿

介長淪芳菲永歇勒茲貞石迺為詞曰

承芳蕙苑誕秀清流口口開屏懋德臨州夙虧風槩早

歇英猷爰有嘉慶遠謝箕裘敬雕口兮翠嚮庶永播兮

清口

大唐儀鳳二年歲次丁丑五月壬戌朔七日戊辰雕

瑩功訖

按此碑頗完善缺字無多而無撰書人姓名碑中

訛者二處云周天統二年終乎私第天統是齊後

周主紀年非周也据碑文前云遇周社之傾覆會新

祚之流移則杜君實仕于周所謂二年者當是周

武帝天和二年不知碑何以有此誤也又云合葬

于龍山口口口原里之禮也据文當是某里之原

禮也文倒互矣首行直云君諱某不加鋪叙之語

然諱字里貫皆空闕不刻何耶文云締構層華望

仙雲而連若木口口口口浮潤海而接霄漢似乎

言其里居之近東海也然稽之唐書宰相世系表

杜氏有四派曰京兆杜陵曰襄陵曰洹水曰濮水

無有近海者惟北史杜松贊為北海人然不詳其

何系也碑云君舉茂才為許州口口口口令遷口口

刺史諸軍事淮南公周社傾覆崩離失主嗣子洪

貴六人孫恒周三人等天不憖遺溘然長謝春秋
 八十有二以隨開皇元年十月一日與夫人馮氏
 合葬于龍山曾孫善達義節八人等勒茲貞石大
 唐儀鳳二年歲次丁丑五月壬戌朔七日戊辰雕
 瑩功訖是立碑之歲距合葬又九十七年蓋碑為
 曾孫所追立也君以周天和二年卒春秋八十有
 二推其生當在南齊武帝永明四年北朝為魏孝
 文太和十年則其初舉茂才為縣令歷官刺史爵
 淮南公同翔北魏以至後周幾六十年之久矣合
 葬龍山考其所在太平寰宇記汝州魯山縣本漢
 魯陽縣左傳陶唐氏既衰其後有劉累學擾龍氏
 以事孔甲龍一雌死潛醢以食夏后夏后享之既
 而使求之懼而遷于魯縣即魯陽是也又曰堯山
 俗名大柏山水經注云堯孫劉累遷此故立堯祠
 於西山今山亦號大龍山因擾龍見稱碑所稱龍
 山似即指此則其地在魯山縣北周屬魯州魯山
 郡北魏謂之山北縣屬廣州魯陽郡也碑云其地
 東窺邵堞伐楚之迹猶存西邇滎城避狄之隍如
 在水經注滎水出南陽魯陽縣西之堯山邵堞似
 即召陵故城寰宇記云在許州鄆城縣東四十五

里漢為召陵縣即春秋楚屈完來盟於師盟於召陵也通志氏族畧杜氏亦曰唐杜氏祁姓帝堯之後建國于劉為陶唐氏裔孫劉累以能擾龍事孔甲故在夏為御龍氏在商為豕韋氏在周為唐杜氏成王滅唐而封叔虞乃遷唐氏于杜是為杜伯此杜氏得姓之始正與汝州龍山事相合然則杜君之居與葬皆在魯山也曾孫善達義節等史傳無名其人似不諳文墨者碑文簡要有體必是能文者所為首行闕字當是撰人闕以俟填而善達等遽仍其闕摹勒上石又碑額篆體詭異惑人以此揣之則天和之訛天統某里之原誤為倒置皆由書者舛誤而善達等之漫不加察可知也

李勣碑

碑連額高一丈八尺八分廣六尺五寸三十二行每行字數約九十餘行書額題大唐故司空上柱國贈太尉英貞武公碑十六字篆書在醴泉縣昭陵劉河村

大唐故司空太子太師上柱國贈太尉揚州大都督英貞武公李公之碑

御製 御書

朕聞四維紀地坤元所以載物八柱承天乾策由其列耀故軒丘御廩資六相以經綸豐水膺圖憑九臣而締

搆莫不道符金礪契叶鹽梅贊嘯龍騰風翔雲起公名

勤字懋功口州衛口口口口口口口口口口口口口口

口口口口口口口口口口口口口口口口口口口口口

口口口口口口祖康齊伏波將軍譙郡太守追贈濟州

刺史父蓋散騎常侍陵州刺史上柱國濟陰郡王後固

辭口改封舒國公贈潭州都督業傳弓冶代列簪裾載

德象賢口光惇史口口口口口口口口口口口口口口

口口口口口口口口口口口口口口口口口口口口口

口口口口英口年甫十七屬隨運分崩于時率土沸騰

羣方競逐黃龍白騎平動干戈丹浦綠林遞興氛稜家

負吞沙之力人懷練石之心李密據大洛以稱兵臨二

周而口濟公權推盟主暫口口口口口口口口口口口

口口口口高祖神堯皇帝應昊穹而撥亂順斗極以龔

行四海樂推兆人思戴及密來投附公獨未歸既承其

旨方奉皇運誠於所事造次必形風霜之節其在茲矣

口口口口高祖乃詔公為黎州摠管上柱國萊國公尋改

青曹公賜同國氏公臨危守義類文鴛之懷忠建築承

恩同奉春之得姓武德二年又授右武侯大將軍是時

國步未夷王塗尚梗口口口口太宗文武聖皇帝愍茲交

口大拯橫流公出贊元戎入口神算受分麾之重寄沐

口口口口

口口口口

口口口口

賜榮之殊榮劉武周率彼犬羊憑凌汾晉先朝

躬親矢石公則任屬偏裨蕭斧纔臨朝口俄翦口充實

德潛議合從南瀕控鶴之山北距飛狐之塞擁周韓之

銳卒驅趙魏之梟兵自謂力動天關威迴地軸口口營

口口月口口口口口口口口口口口口口口口口口口口

口口口口口口口口口口口口口口口口口口口口口口

齊地南征北伐並効深功憬彼凶奴自昔為患乘折膠

而犯鄆候滿月而來侵朔騎騁於唐郊胡笳沸於汾隰

譙林搖岳噉野騰川烽火照於口中羽檄飛於口下公

車口口口口口口口口口口口口口口口口口口口口口

口口口口口口口口口口口口口口口口口口口口口口

室似危葉之遇衝颺滅跡掃塵追奔逐北乃加食封九

百戶叅墟輿壤口迹所基傍控實符之鄉近對金遼之

域眷言樞要綏撫特難鎮俗威邊口口口口口口口口

口口口口口口口口口口口口口口口口口口口口口口

口口口口口口口口口口口口口口口口口口口口口口

口口口口口口口口口口口口口口口口口口口口口口

之銘胡騎動陰山之口既而煩丁巨罰殆不勝哀累

詔寬解敦還口口口口口口口口口口口口口口口口

先聖承

曲垂談宴緒言之際以朕託公便即齧指流血銘肌
記忠貞之操振古倚金石之心唯公而已改封英

國公授兵部尚書尋授特進太子詹事左衛率
九年授道行軍大摠管

先朝東征大破駐蹕授靈州道安撫大使破延陁於

馬德鞬山又授太常卿出為壘州都督尋除特進檢校

州刺史朕纂承丕緒延想舊勲又授公開府儀同三

司尚書左僕射

授職勲賢

異宜踐位未淹遽申讓朕成公之美權遂謙光尋拜

司空用旌德傍剪九土上穆三台聿膺元武之符載

調黃鼎之飪彝倫式叙庶績其凝乃將有事

先朝親行吊伐雲衝萬道天兵四臨醜

徒於握中置凶羣於几上但聖心惻隱不忍坑

來賜以重生返其歸路猶復收合餘燼背義忘恩莫念

解網之仁還興舉斧之逆朕恭惟往志情切授

柯思荷隧穴之祇誓雪園陵之憤昔王翦舊將

方吞南楚之強充國老臣始定西羌之孽立功立事耆

德是憇故勞公暮年出征外域乃以公為遼東道安撫

大使行軍大總管韞玉□之宏□□□□之妙□□□

□□□□□□□□□□□□□□□□□□□□□□□□□□□□

□□□□壹縱問諫以知窮因鄉導而乘隙殄茲寇壘

不藉九攻之勞獲彼凶渠唯恃七擒之術傾源拔奔海

罄山空万代逋誅一朝清蕩及旋拜太子太師□封二

百戶公自少及長□身奉國□□□□□□□□□□□□□□

□□□□□□□□□□□□□□□□□□□□□□□□□□□□

上藥名醫相望道路日仁必壽竟爽神期天不憖遺殲

我良懿以總章二年十二月三日薨於私第春秋七十

有六朕□車軾勳去籥興哀爰命□寮廢朝七日□宜

□□□相鄭□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□

月六日陪葬 昭陵所築之墳一准衛霍故事象

烏德鞬山及陰山鐵山等以旌破北狄東夷之功焉其

遷葬之晨朕自至橫門投書永訣穿壁候瘵不救鶴板

之灾登城□泣徒深蟻□之感□□□□□□□□□□□□□□

□□□□□□□□□□□□□□□□□□□□□□□□□□□□

朋則虛舟靡逆行已則暗室無欺晦雨不革其音疾風

□知其勁奉親思孝遠彰懷橘之誠事上資恭無待觀

□之誠孫吳藝術弗學而生知管樂才□□□而斯□

□□□□□□□□□□□□□□□□□□□□□□
□□□□□□□□□□□□□□□□□□□□□□

諸之致出不顯其忠就禮俗而存道因善謔而申諷抵
掌宏議庶政咸扶其謀造膝詭詞羣察莫知其際夷險

一□寵辱□驚□□□□□□□□□□□□□□□□
□□□□□□□□□□□□□□□□□□□□□□

懼其為吏也嚴而不殘其為將也威而能愛子顏之方
敵國在昔多慙道濟之比長城於今為劣朕以公棄榆

吳景力謝年侵欲令諸子仕□得□□□□□□□□□□
□□□□□□□□□□□□□□□□□□□□□□

宅之卑列壤䟽封獨尚寢丘之儉豈非業光三傑譽重
二南為耐稷之元□實期運之隆棟公材公望有始有

終□□□□□□□□□□□□□□□□□□□□□□
□□□□□□□□□□□□□□□□□□□□□□

之祖光倏而不留宰樹森其成列恐桐邑之地竟淪彩
於珮戈庶武昌之原永傳輝於翠禦式旌遺懿乃勒銘

云

惟皇建極惟臣佐功吟嘯元感卜夢潛通如麟縱壑若
羽隨風弼諧天構光亨棟隆其爰有傑人胄承華緒德

口殆庶道光性與情希管樂器伴伊呂口物口口口口

口口其二口口口口口口口口口口口口口口口口

口口口口口口口口口口口口口口口口泉其三金石齊貞松筠

表勁攝下唯口基身以正賜厚分駮恩隆得姓燮和師

律抑揚辭令其四營開偃月旆口連雲下江澄靄平林散

氛元池妙略黃石崇勲威橫百戰勇冠三軍其五口口口

口口口口口口口口口口口口口口口口口口口口口

口口口口慎同温室其六出車青徼申謀絳宮駕狄攻狄

驅戎伐戎鯨銷海晏蜃口樓空永殪逋藪長清大風其七

締構邦基經綸國步戎盈辭滿鳴謙履素克壯其猷口

口歲暮凜口奇節温温口口其八口口口口口口口口

口口口口口口口口口口口口口口口口口口口口口

奉國其九負山潛遠夢瓊興恰階裂下台星沉上將朝悲

野泣投環輟相晉原長往吳閭徒望其三河聚騎五校

陳兵旌軒委鬱笳挽淒清沉沉口口寂寂口口口口口

口口口口口口其四口口口口口口口口口口口口

首墳象口山樹疑營柳人謠國頌天長地久其五

儀鳳二年歲次丁丑十月庚寅朔六日乙未建

碑陰

十二行行十
八字行書

唐太子太師英國公李勣以總章二年薨年八十六
贈太尉楊州大都督陪葬昭陵起冢象陰鐵烏德韃
山以旌勲烈今按其墓在昭陵之左北距山麓八里
南距今醴泉縣三十里冢高七十五尺東西綿延七
十五步周圍二百步有羣峰高下崔嵬之狀勢極雄
壯前有神道碑高三丈二尺廣五尺八寸五分鼈座
甚偉乃儀鳳三年高宗御製御書過之者有以見一
代元勳之遺迹也元祐四年二月六日奉議郎權陝
府西路轉運判官游師雄題本司勾當公事宜義郎
陳令邑主簿蔡安時尉司才玠同觀邑令宣義郎呂
由聖命工刻石清源口持書

右唐李勣碑按唐史太宗屬疾出勣爲疊州都督高
宗立名授檢校洛州刺史今以碑考之其除洛州乃
在太宗朝高宗卽位授開府儀同三司爾又新舊史
皆云勣年八十六而碑云年七十六碑高宗自撰其
所書官爵年壽皆可信而不疑也

金石錄

公陪葬昭陵碑文高宗製並書行草神逸機流後半
尤縱橫自如碑首御製御書四字大類褚登善余曾
至碑下見碑高大過房杜諸臣豈以陛下家事之一
言而爲是以報之耶

石墨
鐫華

贇廣韻作贇胡啖切獸名似犬多力出西海倒一虎者非也五經文字亦云贇于犬反從二虎從貝俗以二虎顛倒與說文字林不同此書用俗體倒一虎而又缺一筆以避太祖諱今人不識之矣蘇文舉開業寺碑亦用此體爾雅虎有力注出西海大秦國有養者似狗多力曠惡沈佺期驩州寄家人詩且懼威非贇寧知心是狼杜甫哀蘇源明詩不要懸黃金胡爲投乳贇寄劉峽州詩乳贇號攀石飢飢訴落藤注引炙馘于載贇銘曰爰有獷獸厥形似犬飢則馴服飽則反眼出於西海名之曰贇 梁昇卿御史臺精舍

碑作贇一武一虎更奇

文選左思魏都賦蒹葭贇

藹藹森李善注引說文曰贇分別也此又一義

金石文字

記

趙氏云新舊史皆云年八十六而碑云七十六按舊書無此語其語諸子曰我山東田父耳位三公年將八十非命乎固與碑合也新書改將字爲踰誤矣勣本徐氏名世勣傳云至高宗時避太宗偏諱故但名勣而此碑王世充世字特缺中一筆未之避也虎嘯龍騰改虎爲贇以避高祖諱廣韻作贇胡啖切倒一虎者俗體也亦缺一筆與周孝明皇后碑筮字號字

末筆皆不全同勣起降虜得與顧命高宗廢后立昭儀依回容祿與許李同譏所謂大臣以道事君者固若是耶雖保首領于生前卒以其孫敬業舉兵討武氏至于掘冢暴骨亦可哀已若敬業者事雖不成不謂之蓋愆不可又按勣常暴疾醫待鬚灰太宗乃自翦須和藥賜之勣姊病自爲粥而療其鬚一傳之中鬚事兩見君臣誼篤姊弟情真求之今日益亦鮮矣而碑不之及豈傳聞有未實乎碑云先朝東征大破駐蹕授靈州道安撫大使雖于勣之遷除無甚關係亦足以補史之缺

金石後錄

碑叙次與本傳畧同惟討劉武周一節傳不及之耳

關中金石記

碑剝落所記英公進爵歷官案之本傳皆符然碑載

武德二年又授右武侯大將軍今傳無之又載劉武

周率彼犬羊憑陵汾晉先朝躬親矢石公則任爲偏

裨而傳亦畧不書下所載者有云先朝東征大破駐

蹕尋授靈州缺撫大使破延陀于烏德韃山缺太常

卿出爲壘州都督缺除特進檢校洛州刺史朕纂承

丕緒延想舊勳又授公開府儀同三司缺案此太宗

嘗欲英公致力高宗故暫置于外碑高宗自爲擢用

故今碑雖殘而文尚可推次傳旣云翟讓爲盜勳年
十七往從之而碑作年甫十七亦相合攷讓起于大
業末則在煬帝十三年是時英公益已十七矣及薨
于總章二年其數正七十有六今碑所書者是也而
勳本傳于其屬疾之日云云我山東匹夫耳位三公
年踰八十然則八十當作七十史家以七八數目字
易涉混因致此誤也傳云葬日帝與皇太子幸未央
古城哭送碑亦云遷葬之辰朕自至橫門投書永訣
較史亦有詳畧文內八柱承天乾道由其廣運四維
紀地坤元所以載安是知締構經綸必佇風雲之佐

燮諧樞宇咸資川嶽之靈故軒邱御展六相宣其景
化瀉水乘時五臣濟其鴻業數語王著探入淳化閣
帖作太宗書今見爲高宗御製及書著何次第乖忤
至此黃伯思法帖刊誤亦未之及故書之以補伯思
所遺

授堂金
石跋

按此碑下截磨泐存者得十之六其大較與兩唐
書同惟所叙歷官間有先後詳畧不同之處而碑
中缺字有可據史補足者碑云公名勳字懋功口
州衛口口舊唐書傳云曹州離狐人隋未徙居滑
州之衛南碑云祖康齊伏波將軍譙郡太守追贈

濟州刺史父蓋散騎常侍陵州刺史上柱國濟陰
郡王固辭改封舒國公贈潭州都督舊傳不及其
祖但載其父官封在勣歸唐之初年而又不書其
贈都督事又祖康以上碑缺四十餘字當是載其
曾祖而不得見也碑云年十七歸李密新傳云年
十七推李密爲主署爲右武侯大將軍東海郡公
据舊史李密傳大業十三年二月密號魏公卽位
稱元年以徐世勣爲右武侯大將軍按勣以總章
二年薨年七十六推其生在隋開皇十四年至大
業十三年勣年實二十四矣碑云高祖詔公爲黎
州總管上柱國萊國公尋改青曹公舊傳同惟黎
州作黎陽青曹作曹國新書作黎州惟萊國公誤
作英國公碑云太宗文武聖皇帝大拯橫流公出
贊元戎入叅神算劉武周王充竇德徐圓朗南征
北伐並効深功乃加食封九百戶据高宗本紀秦
王討劉武周武德二年事是年十一月勣爲竇建
德所執三年始自拔來歸而三年三月秦王復與
武周戰于洛州武周亡入突厥其時勣不同戰也
四年伐王世充敗竇建德勣皆從之又從破劉黑
闥徐圓朗皆五年事碑云先聖承閑曲垂談宴緒

言之際以朕託公改封英國公授兵部尚書尋授
 特進太子詹事左衛率舊傳云高宗為晉王遙領
 并州大都督授勅光祿大夫行并州大都督府長
 史父憂起復十一年改封英國公復以本官遙領
 太子左衛率十五年徵拜兵部尚書是徵兵部在
 後授衛率在前相距五年也碑云口口口九年授
 口口道行軍大總管下缺先朝東征大破蹕蹕
 授靈州道安撫大使破延陁於烏德鞬山又授太
 常卿出為疊州都督尋除特進檢校口州刺史朕
 纂承丕緒又授公開府儀同三司尚書左僕射九
 年上缺字當是貞觀十九年下缺字是遼東道也
 是時太宗親征高麗勅從太宗摧殄駐蹕陣以功
 封一子為郡公碑不載封一子郡公事破延陁是
 二十年事授太常卿是二十二年事舊傳云轉太
 常卿仍同中書門下三品旬日復除太子詹事碑
 皆不書出為疊州都督乃二十三年太宗寢疾時
 事檢校口州刺史泐一字据傳乃洛州也是高宗
 初即位事舊書高宗紀二十三年六月甲戌朔帝
 即位辛巳疊州都督英國公勣為特進檢校洛州
 刺史癸巳為開府儀同三司同中書三品八月癸

西朔為尚書左僕射碑云踐位未淹遽申口讓朕
 成公之美權遂謙光錚拜司空用旌口德此數語
 是高宗册拜司空之制詞据舊傳勣表求解僕射
 在永徽元年册拜司空在四年也碑云勞公暮年
 出征外域以公為遼東道安撫大使行軍大總管
 及旋拜太子太師口封二百戶据傳是摠章元年
 事二年加太子太師增食實封通前一千一百戶
 蓋前是九百戶今加二百戶通為千一百戶也摠
 章二年十二月薨咸亨元年二月六日陪葬昭陵
 据本紀是年三月甲戌朔始改元咸亨則二月六
 日尚是摠章三年而碑已書咸亨者文撰於葬後
 故也碑云所築之墳一隄衛霍故事象烏德韃山
 及陰山鐵山等以旌破北狄東夷之功語與傳合
 陪葬昭陵者惟李靖與勣皆起家為山以象戰功
 長安志昭陵園靖起家象磧石山勣起家象陰山
 也碑云遷葬之晨朕自至橫門投書永訣傳稱帝
 幸未央古城登樓臨送并為設祭不云投書永訣
 也此亦足徵高宗飾終之殊典僅見此碑碑立於
 儀鳳二年距其葬八年始是築墳功畢而始建碑
 也傳繫召拜洛州刺史在高宗初即位而碑書于

纂承丕緒之前者以洛州爲起用之初階不足重
輕故連叙于疊州都督之下以授開府儀同三司
爲遵太宗治命起用之重事故以纂承丕緒二句
冠于前金石錄蓋未細玩碑文也則天臨朝勳孫
敬業舉兵則天追削敬業祖父官爵剖墳斲棺中
宗返正令所司速爲起墳是游師雄所見之勳墓
毀而復築者尚高大如此可知唐時厚待功臣之
恩禮雖歷久遠如一轍也授堂跋謂文內八柱承
天乾道由其廣運數語王著採入淳化閣帖作太
宗書今見爲高宗御製及書著何欠第垂忤至此

按此數語與此碑文雖相似而實不同當時鴻篇
鉅製其通脫語大率相類太宗書者乃是太宗一
種王著採入閣帖非卽此碑授堂亦未細檢也資
治通鑑貞觀二十三年五月戊午以同中書門下
三品李世勣爲疊州都督世勣受詔不至家而去
註云史言太宗以機數御李世勣世勣亦以機心
而事君此二語今檢兩唐書勣傳皆無之不知本
何史也又貞觀政要任賢條叙李勣事太宗嘗曰
李靖李勣一人古之韓白衛霍豈能及也註云按
史傳二十三年帝疾謂太子曰李勣才智有餘然

汝與之無恩恐不能懷服我今黜之若其卽行俟
我死汝用爲僕射親任之若徘徊顧望當殺之乃
授疊州都督今檢兩唐書勳傳亦無任之殺之之
語不知所謂史傳者又何史也碑爲高宗自製宜
乎語不及此然勳之出守疊州後人致多議論附
識于此備讀史者攷焉碑中稱勳皆用公字高宗
爲人臣製文稱勳爲公亦金石之一例也

李万通造像記

記橫廣一尺五寸三分高六寸四分十四
行行五字正書今在河內清化鎮石佛堂

大唐儀鳳三年歲在戊寅七月乙卯朔十七日辛未弟

子李万通及妻徐合家等敬造彌勒像一軀上爲

天皇天后又爲亡父見存母賈及七祖先靈存亡眷屬
法界蒼生俱登正覺

開業寺碑

碑高一丈廣四尺七寸三
十一行行六十八字正書

大唐開耀二年歲次壬午二月乙丑朔八日壬申李公
碑并序

李尙一卷

武功蘇文舉書

八龍荀里榮問在於當年駟馬于門餘慶消於終古

亦有漢將軍之甲第磨滅成空魯司寇之華堂摧殘已
盡豈不以泡露倏忽陵谷遷移寂寥千載煙塵四合雖
復武陵洲曲時逢李衡之樹山陽苑中頗見嵇康之竹
竟未能激揚真界取大壯於龍宮欽崇妙境授全模於
象塔是用神居肅穆靈德支持縱石盡而猶存與金剛
而不壞鞠遺蹤於茂草彼或未思攀勝果於堅林我誠
先覺開業寺者後魏黃門郎使持節衛大將軍陝州刺
史都督冀定瀛相殷五州諸軍事定州刺史尙書令司
徒公固安縣開國伯李公捨山第之所立也其地則前
臨漳水金鳳騁光而振儀却負常山玉馬騰姿而絕影
東瞻峻堞宛若香城西據崇巖依然雪嶺蓋全趙之勝
地焉公諱裔字徽伯趙郡元氏人也珪璋盛德代資卿
相之材鍾鼎貴遊人負河山之氣便繁竹使入天門而
上八重密勿槐庭登太階而步三級朱輪趨闕拜天子
於南宮黃閣當衢肅羣公於北里位望隆矣歡娛極矣
乃喟然歎曰假使門兼萬石不能遣生滅之源家累千
金不能去吉凶之域以爲同生者物異物者超生滯教
三方離方者會教挹三明而豁悟乘公正以虛求爰貶
於豐家庶推煩於朽宅及其高臺未毀曲池猶濬迴
倫之業作須達之園昔我宴居今成法宇變歌梁於

殿卽下梵塵移舞觀於花臺還飄淨雪入功德水波
逼西舍之池四禪定林影庇東隣之樹尔其考輪奐度
崇高或仍舊而標迹或惟新而廣制隨方授矩基階因
巨壑之形審曲裁規垣院取重巒之狀岩堯香閣涌地
神行窈窕禪樓中天化立千門遠闊當斷岫而全開白
棋危承隱連峯而半出垂珠綴玉日月迴薄於山懸刻
贊圖龍風雲吐納於巖棟優填靈反盡變態而無窮開
軀真容極尊嚴而有睟青蓮目湛猶縱觀於南浮丹菓
層開似微言於西竺詭狀千名而競出殊名萬計以爭
陳觸類長之能事畢矣先是有沙門僧明曇寶等並不
知何許人屬魏氏之遷都隨孝文而戾止咸以冥通勝
範風證良緣非聲聞乘是菩薩行洞機靈於物表屈形
相於人間觀茲願力共謀經始當由道資冥助故使天
隆異人大矣哉諒福庭之寂也于彼延昌之末錫其偃
角之名孝昌年際改爲隱覺自魏歷齊僧徒彌廣德均
鷺鷥數若稻麻泊乎周季道消芟夷像教斯虐主之稱
亂甚魔王之未降四口八藏之文咸淪汲冢飛錫乘杯
之侶悉陷秦坑遂使多寶湮覆支提廢毀散給勳臣以
瓦園第可爲長歎息矣公之嫡孫龔固安伯祖元締感
遺墟果蒙恩賜城侔越國淨王多後嗣之家地擬齊厘

天子據先臣之宅旣而蒼精失御赤運登符大靈妙有
廣標靈刹慧日昏而還曙法流塞而更通祖元復捨舊
居而爲淨域北堂安寢之處重扇靈風東閣招賢之所
再流清嘔遂能上聞旒纁光動絲綸以公淨業攸開更
以開業爲稱首俄而燬室云謝波旬縱慝寰中法侶盡
嬰塗地之災海內仁祠多溺滔天之浸唯此靈構巋然
獨存因大聖之依憑威傾六賊賴諸天之守護壤隔三
災苟非至德通神奇工入妙其孰能與於此也 皇
首出大拯橫流繫醉象而定昆陽斬毒龍而清冀野
淳風於上菜集甘露於中枝都幾壯而 帝服開國
淨而天冠做蜂臺切漢方濱化於時和鳳刹臨雲位藉
名於朝命祖元第二子維摩武德年中趙定二州別駕
屬乾坤漸泰曦望初華攀龍之茂績旣宣展驥之休聲
克著永言堂構題目闕如屢有申聞情逾懇至重使澤
流塵地金輪轉北走之途 渙發紫泥銀榜照東方之
國粵以貞觀四年還賜舊額爲開業寺也上座圓徹寺
主圓鏡都維那道英大德僧道寬智習圓一圓真道通
心倫道名等並董脩戒範持護律儀騰逸氣於三空沉
仙舟於八解鳩摩羅什望景傾魂鴈門慧遠聞風動色
且夫難捨能捨遠人隆百代之基從明入明君子積萬

年之祚誠哉斯道信而有徵公第五子子雄隨輔國將軍平東將軍左金紫光祿大夫通直散騎常侍驃騎大將軍儀同三司使持節豪州刺史鴻臚卿進爵高都公河北道行臺兵部尚書曾孫緯 皇朝宗正衛尉司農三寺卿金紫光祿大夫荊州大都督府長史幽州都督戶部尚書太子詹事懷洛蒲三州刺史襲高都公緯弟俊 皇朝楊州大都督府兵曹參軍汴州封丘易州易縣舒州太湖三縣令朝議郎行商州司馬上騎都尉箕裘逾襲蕞蔗苑而彌昌黻冕相承託檀波而轉盛大仙幽讚卿長則累棊無慙大覺顯仁公侯則連華必復詎比夫謝家遺宅徒擬甘棠韓國舊臺空傳酸棗而已但此寺爰初締葺迄乎崇麗公又發靈誓願圖徽曠劫乃建豐碑將符鏤鼎嗟乎十烏傾日二鼠催季空留白凡之名未勒黃金之字俊第八子宣德郎行本州錄事參軍事雲騎尉崇哲卽公之靈孫也風神秀嶷器業甄明發揮經史抑揚詞翰申鴻漸於上藩屈鵬搏於中錄雖榮麻作牧褰襜之位未登而仕口還鄉衣錦之遊斯在欽惟舊德禋若先功望鹿園而拜首登鷲山而禮足於是仰挹緇徒傍詢碧殿翦荒苔而相質允屬謀孫訪麗藻而披文無遺小子乃命從姪尙一製文焉尙一學謝

探微詞慚析妙謝安庭序叨承白雪之篇韋孟宗祧敢
遊彤弓之詠庶使家風入偈抗佛土以飛英祖德惟真
懷僧祇而不朽重宣此義乃爲銘曰

美哉東墅奠乎西第榮觀一時湮沉千歲邪山易擁愛

河難濟徒徇假名竟迷真諦其達人藹藹情洞如如爰

推別業式建精廬跨谷彌阜乘危躡虛傍通碣館直抵

漳渠其凌雲之口匪日而就廣制彌新崇基卽舊虬檐

吐嶠鳳裳銜岫月落上楹星迴中雷其有周滅德怠弃

眞寶勝彼伽藍咸成鞠草泊于赤帝紹隆靈道弊風一

革慈雲再造其漢東鹿走燕南狼藉毒被王城災延帝

石四魔怙亂二乘泯迹獨此招提居然不易其功符化

造事叶神憑妙物凝粹真人效徵 皇家鳳舉 帝室

龍興一戎庑定五濁攸激其法門旣闢口源載返道資

仍山恩孚柰苑鷄峯仞積鶴池波偃地絕風塵人多林

遠其七州論德四口標榮猶嬰有待豈悟無生我祖騰

懿天師配明還因梵筆永播家聲其

按此碑標題年月日李公碑標題之有年月朔日

此碑文乃紀李公捨宅爲寺歷世修建之功德也


次二行曰李尙一篡武功蘇文舉書尙一文舉皆

無傳纂有纂撰二音義亦相通漢書藝文志書之



所起遠矣至孔子篡焉然用以代製文則他碑未見書人云武功而篡者不書里貫蓋尙一卽李公之族五世孫也碑云開業者後魏李公捨山第之所立也公諱裔字徽伯趙郡元氏人云云魏書李裔附李順傳稱順趙郡平棘人碑稱裔元氏人魏書地形志元氏平棘二縣同屬趙郡蓋裔與順居同郡而異縣也傳稱裔歷官大較與碑同惟贈官碑作五州傳作四州蓋無相州也北史傳稍畧碑有候衛大將軍北史同而魏傳無之裔二子長子旦次子雄北史傳稱子雄仕周累遷涼州總管長

史破吐谷渾功加上儀同宣帝卽位拜亳州刺史隋文帝擢百揆徵爲司會中大夫加位上開府受禪拜鴻臚卿進爵高都郡公晉王廣鎮并州爲河北行臺兵部尙書此子雄之歷官也碑不載周時官而入隋以後較傳爲詳餘祖元緯俊崇史俱無傳碑云其地前臨漳水却負常山漳水有二源一曰清漳一曰濁漳漢書地理志上黨郡治大黽谷清漳水所出長子鹿谷山濁漳水所出二水分流至交漳口合而爲一又自廣宗縣北行至趙州寧晉縣會滏陽河抵冀州入滹沱常山卽恒山漢高

祖分鉅鹿郡置恒山郡因山爲名避文帝諱改曰常山漢書武帝紀天漢三年幸北地祠常山者是也管子云其山北臨代南俯趙東接河漢之間是漳水常山皆爲趙郡山川之勝而開業寺之形勢亦可見矣裔爲元氏人則寺當卽在其縣今檢畿輔通志元氏縣無開業寺之名惟欒城有之欒城與元氏同屬趙郡然云是元泰定中建則非此開業矣寺剏于延昌之末迄開耀壬午相距百八十年而始立碑蓋元孫重葺此寺追述其緣起于高祖也釋氏檀越歷數世而不衰如李氏者可謂難矣于午歲二月癸未改元永淳是月乙丑朔改元在十九日而立碑在八日故仍稱開耀二年



金石萃編卷五十九終



金石萃編卷五十九終

四

